


Репортаж

ИВАЛГЫН аймагай Оройго хууринда АООТ "Селенгео" гэхэн геологическа бэдэрлэгэ, шэнжэлэлгын экспедици амаралтын үдэртэ өөһэдэньгөө хайндэрые тэмдэглэхэ гэжэ байгаа нэн. Хүдэлмэришэдэнь газра, досоохийо аршажа, арилгажа, туха сүлөөгүй байбад. Урдандаа тус экспедицидэ аяр 600 гаран хүн хүдэлмэридэг байханаа, һүүлдэнь 1994 оной март нарада нээмэл түхэлэй акционернэ бүлгэм боложо хубилгагдаад, оройдоол 60 хүнийнь үлөө.

- Мүнөө сагта, бидэ, геологууд ехэл хүндэ байдалда ороод байнабди. Саашадаа манай бүлгэм ажамидархын түлөө элдэб предпритинуудтай хэлсээ баталжа, эндээ мебель хэдэг, хилээмэ баридаг болон бэшэшье багахан цехүүдые нээгээд, геологуудайнгаа ажагуудалые бага зэргээр хүнгэрүүлхые оролдонобди.



СЭБЭР УНА БЭДЭРДЭГ "СЕЛЕНГЕО"

Гусиноозёрскын ГРЭС манай цехтэ гаргагданан мебель дуратайгаар худалдажа абадаг, саашадаашье захил хэлгээе үргэлжэлүүлхээр байхабди гэжэ мэдээсээ. Теэд манай геологуудай гол ажалын гэхэдэ, республикын мүн Шэтыншье хүн зоной эдээ хоолдоо хэрэглэдэг газар дорохи сэбэр уһанай шанар хоодоо шалгажа, мэдээсэжэ байдаг. Илангаяа Байгал далай шадархи газарай уһан үргэлжэ шалгагдажа байха ёһотой юм. Һүүлэй үедэ үхы республикынгаа газар газарай уһа шалгаха аргагүй болообди, юундэб гэхэдэ, гүнзэги нүхэ малтажа, сэбэр уһа бэдэрхэ гэшнэ бэлэн хэрэг бэшэ юм. Һайн техникэ, ехэ мүнгэн хэрэгтэй.

Мүнөө геологууднай хэдэ хүндэ байдалда ороод байгааашье наа, урдаа табигданан түсэбөө дүүргээд лэ байна. Энэ жэлдэ гүрэнэй бюджетдээ 1 миллиард 600 миллион түхэриг үгтэхөөр хэлсэгдэнэн юм нэн, харин һая тэрэ мүнгэнэйнгөө тоо 3 дахин хороожорхёо. Тиихэдэнь, бидэ скважина малталгаяа баһал хороохо

баатай болонобди. Зүгөөр газар дорохи сэбэр уһа бэдэрхээ, шэнжэлхээ болиходоо, бидэ хүн зонойнгоо урда зэмтэй шэнги болонобди. Харин дээдэ засагаархидта газар дорохи уһанай ямаршье хубилалтын боложо байхада хамаагүй, уужа байһан уһаннай тэрэл зандаа сэбэр байханаар ханадаг ёһотой. Тиймэбэшэ. Жэшээнь, манай эндэхи томо томо предпритинуудай гаргадаг хаяса газар руудоошоо шэнгэ шэнгэһээр, хэрэглэжэ байһан сэбэр уһыемнай бузарлана бшуу, - гэжэ АООТ "Селенгео" бүлгэмэй генеральна директор Владимир Иванович Толстопятов хөөрхөдөө, үшөө олон баримтануудые хэлэжэ үгэбэ.

ГЕОЛОГУУДЫЕ уужам дэлгэр сэдхэлтэй хүнүүд гэжэ хэлсэдэг. Тэрэнэ зүбтэй ха.

- Манай химическэ лабораторийнхид ехэ мүнгэн дээрэ һууна гэжэ бү ханагты. Нюусагүй, салин хүлһэмнай оройдоол 120-140-өөд мянганда хүрэдэг, - гэжэ лаборатори соо һуһан

эхэнэрнүүдэй нэгэн манда дүтэлжэ, - би, Валентина Георгиевна Кочнева гэхэн нэрэ алдартайб. Мэргэжэлээрээ гидрогеолог хүнби. Түрүүн газар дорохи уһан тухайгаа хөөрөлдөө. Газар дээррээ элдэб химическэ бодосууддоошоо шэнгэжэ, хэды ехэ хэмжээнэй уһан бузарлагдана гэшнэб! Хүнүүд муухай уһа хэрэглэһинхээ боложо, гэдэһэ доторой, полиомиелит, эльгэнэй болон бусадшье үбшэнгүүдээр үбдэнэ гэжэ ойлгоё. Жэшээнь, гусиноозёрскынхид сэбэр уһа ууна гэжэ ханана гүт? Угы. Элдэб муухай холиотой уһа үнийнэй уунад, эдээ хоолдоо хэрэглэнэд. Эндэһээ хоо бэшэ сэбэр уһатай газар бии гэжэ мэдэнэбди, харин тэрэниие бэдэржэ шэнжэлхэ хэрэгтэй, теэд бидэнэр онһон түхээрэлггүй дээррээ энэ ажал ябуулнагүйбди. Буряад Республикын Правительство, тэндэхи аймагай захиргаан энэ асуудалда эгээ түрүүн ханаагаа табижа байгаа ха юм, - гэжэ гидрогеолог хэлэхэдэ, хажуудань һуһан

дэмжэн, лабораторие даанша Татьяна Викторовна хөөрөлдөөндэ оролсоно.

- Ваяя, тон зүб юумэ хэлэнш. Гидрогеолог гэшнэ һүүлэй үедэ угы хэгдэхэ тээшээ болоод байна. Бидэ акционернэ бүлгэм боложо хубиладаа, ехэ мүнгэ абажа эхилээ гүбди? Хэдэн нараар салингаа абанагүйбди. Нонирхоболтнай, хэды түхэриг нарадаа абадагаа шохуагүйбди, гидрогеолог - 120-160 мянган, инженер гидрогеолог - 160-210 мянган түхэриг. Энэ ехэ мүнгэн гэшнэ гү?

- Теэд директортнай хэлэхэдэ, хажуугаарнь тандаа нилээд туһаламжа хүргэнэбди гэнэ бэлэй, - гэжэ дуутархамни, тэдэнэр ехэл дурагүйдэбэ.

- Владимир Ивановичта ехээр бү үнэншэгты. Энэ хүн гоё-гоё үгэнүүдые хэлэхэл байха. Урдандаа эндэ 200 мэргэжэлтэ геологууд хүдэлдэг нэн. Харин мүнөө 35-нийн лэ үлөөд байна. Үшөө хэдын ажалһаа гаража ошохо юм? Акционернэ бүлгэм боложо хубилаашье наа, хайжарһан

юумэмнай үгыл даа. - Ондоо предпритинуудтай хэлсээ баталжа, нээгдэнэн тэдэ цехүүдэйнгээ гарганан продукцияһаа 241 миллион түхэриг олоо байһанат. Тиихэдэ АООТ "Аквабур" гэхэн Буряад Республикын худалдаа наймаанай палатагай сүг Байгалдалайн сэбэр уһанһаа олоо олохын түлөө хари гүрэнэй фирмэнүүдтэй хэлсээ баталжа тухай хөөрөлдэнэбди гэжэ Владимир Ивановичтай хэлэхэдэ, Финляндиһаангээ фирмэ капрон амһартануудые эльгээжэ байхаар дуралхан оруулаа, үгышье наа, уһанайнгаа шанар муудуулхагүй амһартануудые өөһэдөө хэжэ эхилхэбди гэнэ нэн. Байһаар байтараа, танай бүлгэм баяжахадаашье болохо, - гэхэдэни, тэдэнэрэй нэгэ зариманинь зүбшөөһөн хэбэртэй. Харин түрүүн мантай хөөрөлдэнэн Валентина Георгиевна зүбшөөбгүй:

- Угы. Манай геологическа экспедици хушан түхэдөө орохо ёһотой. Нэгэдхээр, энэ бүлгэмөө һөөргөнэ акционернэ бэшэ болохы оролдохобди. Хөөрөлдөөндэ бүгэдын асуудалнуудай хажуугаар эгээ түрүүн гидрогеологийн асуудал түргэн шийдхэгдэхэ хэрэгтэй. Ханаад үзйт, би танда эгээлэй юрын асуудал табиһуу. Хаанаһаа, ямар уһа уужа байнабди гэжэ хэн нэгэнтай нонирхоод үзөө нэн гү? Угы ха. Энээн тухай бодожэ үзөөрйт, - гэжэ ажалдаа үнэн сэхээр хандадаг В. Г. Кочнева ханаагаа зобожо ябанан ханааараа мантай хубаалдаба. Валентина Георгиевнагай улад зондоо сэбэр хайхан, тунгалаг уһа бэдэржэ баһандань һайниие хүргөөд, үнгэрһэн геологуудай хайндэрөөр бултыень үшөө дахин амаршалнабди.

Г. ЗАНАЕВА.
ЗУРАГУУД ДЭЭРЭ: АООТ "Селенгео" бүлгэмэй генеральна директор В. И. Толстопятов; лабораторийн хүдэлмэрилэгшэд Г. Ф. Иванова, И. П. Алексеева; гидрохимик Т. В. Шмакова. С. ВАЛДУЕВАЙ фото зурагууд.

СЭЛЭНГЭНЭЭ МЭДЭЭСЭНЭ

ВETERАНУУД ЗУБШЭБЭ

Һаяхан Гусиноозёрск хотодо аймагай ветерануудай соведэй ээлжээтэ конференци зарлагдажа, тэрэнэй түрүүлэгшэ Г. Ц. Сабжаев тоосоото элидхэл хэбэ.

Аймаг дотор байһан 15 эхин эмхинүүдэй олонхинь президиумэй заседани дээрэ хэһэн хүдэлмэри тухайгаа уридшалан тоосон байха юм. Томохон эмхинүүдэй тоодо ородог Ноёхон, Юрөө, Новоселенгинск, Сэлэн-Дүүмэ мэтын тосхонуудтай ветерануудай соведүүд зоной гуйлга, хүсэл хангаха, туһаламжа хүргэхэ талаар һүүлэй үедэ ажал хэрэгээ шилээд эдэбхижүүлэ.


XX партсэздэн нэрэмжэтэ колхозой ветерануудай соведэй түрүүлэгшэ байһан П. Ц. Хайдалов нэн түрүүн үлбэр ядуу зоной тала, аша туһа харадаг, тийн энэл зорилгоор ветерануудай мүнгэн жаса эмхидхэн байгуулаха хэрэгые анхан үүсхэһэн габьяатай. Буянга хэрэг үйлэдэлгын нонирхолтой хэмжээ ябуулганууд энэл үнгэрэгдэжэл байдаг нэн.

Аха нүхэрэйнгөө дэмбэрэлтэ һайн хэрэгые шэнэ түрүүлэгшэ залуулан үргэлжэлүүлхэ бээ гэжэ найдагдана. Богонёор хэлэхэдэ, нотагуудтахи нимэл эхин эмхинүүдые ударидагдана Б. Ч. Цыренов, И. С. Бальжиев, А. Д. Дугаров, Б. Б. Пурбуев гэгшэдэй хүсэл оролдолго олоной дэмжэлгэдэ хүртэхэдөө, омогорхол түрүүлэнгүй яхаб даа... Ветерануудта яһала һайн хүнтэлэлтэ олохо тухай хуулига шийдхэбэринүүд абтадагыһе наа, үнэн дээрэ өөдтэ юумэн хэгдэнгүйл даа гэжэ делегадууд М. В. Вагинов, В. П. Ерхов, П. И. Медведев, бусад нүхэд шүүмжэлхы ажаглалтануудые хэбэ.

Мүн эндэ ямар хубилалта болооб гэхэдэ, урдань бии байһан ветерануудай городской совет болоулагдажа, орондонь нэгэн нийтэ аймагай совет эмхидхэгдэн байгуулагдаба.

Тус конференци дээрэ шэнэ бүлгэмэй түрүүлэгшээр В. Р. Еременко, орлогшонороонь В. П. Ерхов, А. Т. Пинчук нэгэн дуугаар һунигадаба.

Ч. САНЖИЕВ.



Бүгэдэ буряадуудай хоёрдохи съезд

ТООНТОҢОО ХОЛОХОН БАЙБАШЬЕ...

Россин нинслэл Москва хотодо 1600 буряад угсаатан ажаһуудаг. Тэдэниие Бүгэдэ буряадуудай хоёрдохи съезд дээрэ түлөөлхөн 2 делегаттай хөөрэлдэбди.

Н. Д. Цырендондоков, Россин Ветеринарна академийн профессор: - Буряад соёлой "Уржал" гэжэ бүлгэм 1989 ондо эхиждэ хэмди. Н. Ч. Цыбеннова энээн эдэбхитэй эхиждэ хэдэй нэгэн байһан юм.

Түрэл нотагһаа холо ажаһуугашье наа, үндэһэн соёл болон ёно заншалаа мартангүй, залуу үетэнөө буряад хэлэндэ хургаха, үндэһэтэнэй мэдэрлэтэйгээр хүмүүжүүлхэ зорилготойгоор хүдэлжэ эхилээ бэлэйбди. Бүлгэмэй ажал 8 шэглэлээр ябуулагдана. Москвада ажаһуудаг аха зоноо буряад найхан заншалаар ехэ найндэрнүүдтэ, Сагаалганда заатагүй хүндэлдэг, бэлэг барюулдагбди. Соёлой элдэб олон хэмжээ ябуулануудые - Буряадаймнай уран балигтэнэй ойн баярнуудые тэмдэглэххээ эхилээд, Москвада ерэнэн дууша, уран зохиолшодтой уулзалгануудые үнгэргэдэгбди. Хүүгэдэй уран балиг хүгжөөлгэдэ ехэ анхарал хандуулагдадаг. Хүүгэдэй театр хүдэлнэ, дуу,

хатар нааданда хургана. Хүүгэдэй коллективүүдэй бүхэроссин конкурсно лауреадай нэрэ зэргэдэ хүртэһэн байха. Юридическэ, бусад үндэһэ яхатантай холбоо тогтоохо, түбэд-буряад медицина шудалха, түүхын, шажан мүргэлэй асуудалаар таһагууд хүдэлнэ.

-Москвада Буряад Республикын үдэрнүүдэй болоходо, ямар нэгэ аргаар туһалаа, хабаадалсаа гээшэ аабзат?

- Тиингүй яахаб. Хоёр нара үлүүтэй саг соо бэлэдхэл хээбди. Булганда мэдээсэххээ гадна, айлшадаа угтаха, хүндэлххөө эхилээд, али олон асуудал шийдхэхэ хэрэгтэй байгаа. Республикын хүтэлбэрилэгшэдтэй уулзалга болоо. Тиинхэдэ Москвада ажаһуудаг эрдэмтэд, мэргэжэлтэд түрэл Буряад орондоо али зэргын туһа хүргэхэ аргатайб, мүн алишье талада аша туһатай харисаа холбоо тогтоохо асуудалнууд зүбшэн хэлсэгдээ. Республикын үдэрнүүд түрүүшынхээ Москвада тон үндэр хэмжээндэ, ехэ үргэн дэлисэтэйгээр, шэнэ экономика шэглэлтэйгээр үнгэрөө. Энээндэ манай бүлгэмэйшье оруулан хубита

бии гэжэ ханагдана. Залуу үетэнэй ябууддаг ажал тухай хөөрэхынь съездын делегат, багша С. Г. Шараева гуйбабди:

Үндэһэн соёлой хуралсалай-хүмүүжүүлгын комплекс 5 жэлэй саана байгуулагдаа нэн. Солянка, 14 "а" гэртэ байрладаг энэ хургуулимнай гүрэнэй тэдхэмжэгтэй, Эрдэм хуралсалай департаментда хабаатай юм. 3 багша хүдэлдэг. Галина Бадраевна Ханчинова үндэһэн түүхэ заадаг, хүгжэмэй болон арадай дуу, хатарай багшань - Марина Дашинимаевна Доржиева, харин би буряад хэлэнэй ба литературын хэсээлнүүдые үнгэргэдэгби.

30 буряад хүүгэд хурана. Долоон хоногой туршада үдэртөө юрэнхы эрдэмэй хургуулин хэсээлнүүдтэ ябаад, амаралтын үдэртэ буряад хэлээ, үндэһэн түүхэ, аман зохиол шудалдаг гуримтай. Бүхы ажал хэрэгүүдээ "Уржал" гэнэн бүлгэмтэй, Нима Дамдинович Цырендондоковтой хамта хэлсэжэ, сугтаа бээлүүдэгбди.

Академик Пётр Родионович Атутов түрүүтэй буряад эрдэмтэд манай ажалда ехэ туһалдаг. Уран зохиолшодто,

эрдэмтэдтэ, артистнуудта, Буряадай солото хүнүүдтэ зориулагдаһан үдэһэнүүдые үнгэргэнэбди. Жэшээнь, Б. Барадинда, Э.Д. Ринчинодо, А. Доржиевта зориулагдаһан үдэһэнүүд ехэ хонирхолтойгоор үнгэрөө. А. Доржиевай түрээһөөр 140 жэлэй ойдо зориулагдаһан үдэһэдэмнай Россин МИД-эй, Миннацай, ороноймнай правительствын түлөөлэгшэд, Зүүн зүгые шэнжэлдэг томо эрдэмтэд, Гүрэнэй Дүүмын депутатууд хабаадаа.

Урданай дуу, ёхор сээжэлдэххээ гадна, хүүгэд буряад хубсаһатай танилсана. Түрэлхидэй туһаламжаар хүүгэдтэ буряаддэгэлнүүдые оёо хэмди. ВАРК бидэндэ хэдэн тэрлигүүдые эльгээжэ, баярлуулаа. Урданай гар урлада хурга хүсэлтэйбди.

- Нима Дамдинович, Танай ханамжаар, энэ съезд дээрэ социальна, политическэ асуудалнуудые табижа, тэдэниие шийдхэхэ аргануудые бэдэрхэ саг ерээ гээшэ гү?


- Соёлой хүгжэхын тула нэн түрүүн социально-экономика үндэһэ хуури бэхижүүлэн хүгжөөхэ хэрэгтэй. Энэниие шийдхэхэдэ, республикын хүтэлбэрийн зүгһөө тон

бодомжотой национальна политика хэрэгтэй болоно. Үнгэрхэн 5 жэлэй туршада ВАРК-ын хүтэлбэри доро бээлүүлэгдэһэн ехэ ажалтай найн үрэ дүнгүүд республикын хүтэлбэрийн, бүхы ажалша зоной, сэхээтэнэй гайхамшагта туйлалта гээшэ. "Демократи" гээд лэ, шууяа шурхираа татангүй, арадынгаа сэсэн хургаал заабаринуудые мартангүй, бүхы эдэ орёо а с у д а л н у у д ы е бодомжотойгоор, бүтэхэ тээшэн шийдхэхэ шухала.

Залуушуулайнгаа талые хараха хэрэгтэй. Мүнөө үеын эрхим дээдын эрдэм мэдэсэнүүдхээ, технологиһоо хожомдоһон, муу байдалтай, хүгжэнги бэшэ гүрэнүүдэй жэшээ бидэниие нэргылнэ. Хүсэд хүгжэнги, эрдэм болбосоролтой арад байхаяа ханабал, залуу үетэнөө мүнөө үеын экономика эрдэмдэ, электронико болон компьютернуудые хүтэлжэ хургаха шухала. Мүн зүрхэ сэдхэхэлэй, оюун бодолой хүгжэлтэ тухай мартахагүй юм ааб даа.

- найнта даа, Нима Дамдинович, Светлана Гомбоевна. Хоёрэдэһэнэйтнай түлөө баярые хүргэнэбди. Гэр бүлэдэтнай баяр жаргал, ажалдатнай амжалта хүсэнэб.

Т. САМБЯЛОВА хөөрэлдэбэ.



Республикаһаа ерэнэн хүбүүдэ амаршалхадаа, иигэжэ хэлэнэ: "Хүндэтэ манай хүбүүд, тэрэ холын республикын хүн зондо туһаламжа үзүүлжэ ябахадаа, ёһотойл габьяа харуулан, Грозный хотодо болоһон хүндэ байдалда ябахадаа, уялгата албая нэрэгтэй солотойгоор дүүргэжэ ерэнэн таанадаа амаршалнабди. Дайн байлдаанда мордоходотнай, энэрхы сэдхэлтэйгээр хандан гэр бүлэнэртэтнай үнэн зүрхэнэй баяр баясхалан хүргэнэбди!"

Удаань республикын дотоодын хэрэгүүдэй министрэй орлогшо В. В. Применко Россин Федерацийн Президент Б. Н. Ельцинэй Зарлиг уншажа, эрэлхэг зориг харуулан



Эндэ хэнэһын орден, медальнуудта хүртэһэн тухай фамили, нэрэ, обогуудынь нэрлэхэ аргагүй байнабди. Хамтадаа 17 хүбүүднай хайра шаглануудта хүртөө.

"Хубийн эрэлхэг зоригой түлөө" гэнэн орденорб, "Шэн зоригой түлөө", "Эхэ оронойнгоо урда габьяатай байһанай түлөө", "Нийтын гурим сахиха талаар эрхимээр алба хэлэнэй түлөө" медальнуудаар 11 хүбүүднай шагнагдаа.

Гадна Республикын Правительство, министрвэнүүдэй, предприяти, эмхи зургаануудай, фирмэнүүдэй зүгһөө баатар габьяата хүбүүдтэмнай үнэтэ бэлэгүүд барюулагдажа, бултанай зүгһөө ехэ баяр баясхалан хүргэгдэбэ.

Һүүлээрнь республикын искусствын мэдээжэ артистнууд ехэ концерт-наада дэлгэжэ, сугларагшадые баясуулаа.

Б. ЦЫРЕМПИЛОВ.

ЗУРАГУУД ДЭЭРЭ: баяр ёһололой үедэ.

С. БАЛДУЕВАЙ фото.

ЭРЭЛХЭГ ЗОРИГТОЙ ХҮБҮҮДНАЙ

Ленинэй орденот оперо болон баледэй академическэ театр. Энэ үдэшэ тус театр соо Буряад Республикын Дотоодын хэрэгүүдэй министрвэн хүтэлбэрилэгшэд, ОМОН-ой хүдэлмэрилэгшэд олоороо сугларба.

Үнгэрэгшэ жэлэй эхинһээ манай республикын МВД-гэй хүдэлмэрилэгшэд хэдэн бүлэг боложо хубаараад, Чечен Республика ошожо, зэбсэгтэ тулалдаануудта хабаадажа ерэнэн гэжэ мэдэнэбди. Нютагаймнай хүбүүд эндэ алба хэхэдээ, дайн байлдаанда эрэлхэг зоригтойгоор хабаадажа ерэнэн гээшэ. Байлдаанда баатар габьяа харуулан хүбүүдтэ Россин Федерацийн хайра шаглануудые барюулагдаа зориулагдаһан баяр ёһолол болобо.

Театрай тайзан дээрэ республикын МВД-гэй хүтэлбэрилэгшэд, Буряад Республикын Президентын туһалагша, милицийн

полковник В. Золотоев болон бусад зогсоно.

-Буряад Республикын тугые оруулагты! - гээд баярай суглаа нээһэн ОМОН-ой командир, милицийн подполковник В. Мархаевай захиралта үгэхэдэ,

театр соо уттамжын хүгжэм эдэлэнэ.

Республикын һүлдэ тэмдэгтэй тугай оруулагдаһанай һүүлээр Буряад Республикын дотоодын хэрэгүүдэй министр генерал-майор И. Калашников Чечен



Түрэй солодон

"Гэр бүлэ - нангин гуламта" - гэхэн асуудалда зорюулагдаба

НАЛАХЫН УРДА ДОЛОО ДАХИН БОДОЖО ҮЗЭ

1995 ондо Улаан-Үдэ хотын Советскэ райондо 256 шэнэ айл бии боложо түбхиноо, энэ тоо һүүлэй жэлүүдтэ ехэ хубилнаггүй. Тишхэдэ районий сүүдэй шишхэбэрээр 1994 ондо 288 бүлэ, 1995 ондо 324 бүлэ халаа. Жэлхээ жэлдэ энэ тоо ургана, 1996 он юу харуулханы гэшэб?

Ори гансахан инаг нүхэрөө оложо, гэр бүлэтэй, үнэр баян, үхибүүдээрээ омогорхожо һууха, үгышые наа, бүхы наһаараа гансаараа, али хэдэн дахин намга абаха, хадамда гараха—хүн бүхэнһөө өөрһөөнь дулдыдадаг хэрэг гү, али үйлын үри, наһанай табисуур гэшэ гү?

Һалахамнай гэжэ шиидэһэн үбгэ һамган хоёрой ЗАГС-да ерээд, гахай нохой болотороо хэрэлдэжэ байхыень дуулаа гүт? Тэрэ таһалгаһаа гараад ерэхэдэ, 30-аад наһанай, хубсаһа хунараар, шэг шарайгаар— юүгээршые дутаагүй хоёр, үшөөл гэмэрэлдэһэн зандаа хүнүүдэй хажуугаар үнгэрнэ. Мендельсоной хүгжэм доро гэр бүлээ эрхилээд, хэдыхэн һарын гү, али жэлэй үнгэрөөд байхада, "сугтаа байха аргамнай үгы", —гэхэн эсэстэ ерэнхэй.

Юундэ? Өөрөө энэ асуудалда харюу үгэжэ шадахагүй дээрэһээ, Улаан-Үдэ хотын Советскэ районий ЗАГС-ые даагша Алла Степановна КУРЯЧАЯДА хандаһан байнаб.

—Алла Степановна, 30-аад жэлэй туршада энэ ажалда хүдэлнэ гэшэт, хүнүүдэй гэр бүлэ болохыень гэршэлнэт. Һалахаданшые байлсанат, танай харахада, мэдүүлгэ бариһан хоёр мүнөө үедэ ямар болоо гэшэб?

—Гэр бүлэ "залуу" болоо гэхэдэ, хэниешые гайхуулахагүйб, сагнай тиимэ. Харин миний наһаа зобоохо юумэн хадаа залуушууд "гэр бүлэ болоходоо, харюусалгагүйгөөр, юрэл "кинодо ороод ерэхэн" мэтээр хандана. Хахад жэл суг байгаагүй аад, Һалахамнай гэжэ мэдүүлгэ асаржа эхилдэг, "абари зангаараа таараагүйбди" гэлсэдэг. Би энээншье огто ойлгодоггүйб, сугтаа байхамнай гэжэ ехэ һэдэлгэ гаргаагүй, бэе бэеэ һайнаар ойлгохо гэжэ оролдоогүй, ёһотой инаг дурые үзөөгүй дээрэһээ иимэ ябадалнууд гарадаг. Эдэ бүгэдэндэ залуушуулай мүнгэгүй, ажалгүй, гэр байрагүй байдал нүлөөлнэ. Һүүлэй үедэ элдэб эсын видео, номууд, зурагууд өөрын "хубитаяа" оруулна: юумэ мэдэжэ байхада, һайн лэ ааб даа, тэд заримашуулай өөрынхээрэй ойлгожо, "шэнэ", "һонин" юумэ бэдэржэ эхилдэг.

—Һалаһан гэр бүлэнүүд ондо ондоонууд бээ, ехэнхидэ тэдэ юун дээрэһээ халадаг бэ?

—Би гурбан ехэ бүлэг болгожо хубааридагби:

1. Хахад жэлхээ—10-аад жэл хүрэтэр

ажаһууһан. Шалтагаанууд эндэш олон: архидаан, һальхай ябадал, юрэдэ таарахагүй зон дайралдадаг, мүнгэн зөөри...

2. 20-25 жэл хамта һуугаад, үхибүүдэйнгээ хүл дээрээ гарахада, ехэнхидэ эршүүл гэрһээ ябадаг. Хэдэн жэлэй хугасаа соо бүлэ гэжэ нэрэтэй, миин лэ ажаמידаржа байһан хүнүүд болоно.

3. Үсөөншые наа, дайралдадаг ушарнууд гэхэдэ—30, 40, 45 жэл сугтаа байгаад, халаха ябадал үзэгдэдэг. Энээнэй шалтагаан ехэнхидэ архидалга болодог. Энэ удаада олонхын эхэнэрнүүд байдаг.

—Һалаха гэжэ үүсхэл хэнһээ гарадаг бэ?

—Ехэнхи ушарнуудта эхэнэрнүүдһээ.

—Һалахамнай гэжэ мэдүүлгэ үгөөд, туршалгын 3 һарын үнгэрхэдэ, ондоо шиидхэбэртэй болодог гү?

—Тиимэ ушарнууд нэгэтэ бэшэ дайралдадаг. Жэшээбэл, 1995 ондо 50 мэдүүлгэ манай ЗАГС-да ороо, удаань 6 бүлэ бэе бэеэ ойлголсоо. Һалаад, хэдэн жэлэй үнгэрөөд байхада, ниилэһэн 8 бүлэ дайралдаа.

Хоорэлдэхэ һамбаандамнай залуу эхэнэр ороод, өөрынгөө "хэрэг" хэлэнэ: "Үбгэнтээ 2 жэл байнагүйбди, хүбүүмнай 6-тай, халахадаа, би өөрынгөө нэрэдэ оруулхаяа, эсэгын эрхэ болуулхаяа наһанаб. Цүхэрни 10 жэлээр аха хүн, тэд үшөө олон шалтагаан биил даа. Яаха хүмбид?" Алла Степановна иимэ харюу үгэнэ: "Бүтэхгүй гэжэ шиндээ наа, мэдүүлгэ соогоо бүхы эрилтэнүүдэ бэшэгты, амент эрхэ болоо наа, бодожо үзэгты. Мүнөө үедэ эрхидэ брөөд гү, али муу байдалтай болоһон эсэгынэрнай багаданши туһалаа һэм гэдэ, түрэхэн үриһөө сүүдээр мүнгээ бусаажа абадаг... Сагай үнгэрхэдэ, һайн хүн дайралдажа, хадамда гаража, үхибүүстнай нэрэдэ оруулха болоо наань, һотариуста баталагдаһан, "ондоо хүнэй үргөө наа, арсаһагүйб" гэхэн саарһа гуурһатай байха ёһотойт".

Иимэл даа, инаг хоёрой айл бүлэ боложо, нэгэдэжэ, һүүлдэнь хамта ажаһуужа шадахаа болиһон бүлэнүүдэй намтарнууд. Саанан эхэнэрнүүд, эршүүлэй түбхиноогүй хуби заяан, эхэ эсэггүй үлэһэн үхибүүд, түрэлхидэйнь ганшуудал, зоболон. Ород арадай сэсэн үгэ һанажа, айл бүлэ болоходоо гү, али халахадаа гү, долоо дахин бодожо үзэгты гэхэ байнаб.

А. ДУГАРОВА.

БЭЕ БЭЕЭ ХАЙРЛАЯЛ!

Түби дэлхэй дээрэ манда үршөөгдэһэн наһан соогоо зол жаргалтай ажаһууха гэшээ хуби заяагаа ниилүүлһэн нүхэрһөө сэхэ дулдыдаха юм. Тиимэһээ хүн бүхэн өөртөө тааруу, бэе бэеынгээ дутуу дундануудые ойлгохо, дүтэрхы хараа бодолтой хүнтэй гэр бүлэ боложо, түбхинэхые оролдодог.

"Эхэ түрэй гол түлэб ямар шэнжэнүүдые бүһэтэйшүүл сэгнэдэг гэшэб?"—гэхэн асуудалаар һонирхожо, иимэрхүү харюунуудые дуулабаб.

Б. Даримаев, 19 наһатай, оюутан, гэр бүлгүй:

—Номгон зангыень, сэбэрхэн шарайень, урин налгайень.

Ж. Бадмацыренов, гэр

бүлэтэй, "Байгал" ансамблин дуушан:

—Илангаяа һайхан абари зантай, энэрхы сэдхэлтэйень.

Б. Доржиев, 30 наһатай, 3 үхибүүтэй:

—Тэсэмгэй, нарин нягта, ухаатайень.

А. Санданов, 45 наһатай, 7 үхибүүтэй, хонишон:

—Хүхы шэнги эртэшэ, зүгы шэнги ажалша, шоргоолжон шэнги шэрхиень.


Дээрэ хэлэгдэһэн харюунуудай үндэһөөр, бусад эрэгтэй шүүлэй һанамжануудаар, нэн түрүүн лэ тэсэмгэй, түбшэн даруу, сэбэрхэн, зангаар һайн басагад тэмдэглэгдэнэ. Тишхэдэ ухаатай, нарин нягта, номгон гэхэ мэтэ

шэнжэнүүдтэй басагад мүн лэ сэгнэгдэнэ.

Басагад, анхарыт! Ямар һайхан инагтай байхые оролдонобибди. Үшөөшые шанга эрилтэнүүдые өөртөө табимаар. "Бахын һанаан далайда" гэдэгтэл, манайшые һанаан ехэ байна. Тиимэһээ хүбүүдтэ һануулаа. Хэрбээ ухаатай, сэбэр, баян нүхэртэй болохые һанабал, һайнаар бодожол гэрлэхэ болохон гэдэг арадай үгэ бии бшуу.

Хүндэтэ гэрэй эзэн ба гэрэй гуламта сахигша! Сагаан буянгаараа үри хүүгэдэ үргэжэ, бурханай заяагаар үгтэһэн наһаяа эбтэй эетэйгээр эдлээ! Бэе бэеэ гамнаа, хайрлаа!

Б. ГЫНДЫНЦЫРЕНОВ.



ГЭРЛЭЛГЫН ГАРГАШАНУУД

Хүн бүхэн түби дэлхэй дээрэ мүнделэхэдөө, ажабайдалда хабаатай зарим уялгануудтай болодог. Тэдэнэй заримыень бүри бага ябаханаа хойшо хүн бүхэн ойлгожо, ямар уялга заатагүй дүүргэхэб, ямар уялгань дуранайб гэжэ өөрөө тоболол хэдэг гэшээ ааб даа. Харин наһанайнгаа инаг нүхэрые золгожо, гэрээнтээ гэрлэхэ, саашанхи хуби заяагаа нэгэдүүлхэ ябадалые олонхи зон уялгата гэжэ тоолодог. Тинн залуушуул гэрлэхэ гэжэ шиидэбэл, зарим тэды мүнгэ зөөри гаргашалха зэргэтэй болоно.

Ушар нимэһээ Гэрлэлгын ордоной ахалагша мэргэжэлтэ Альбина Дабажановна ШОЙБОНОВАДА залуушуулай хуби заяагаа холбоһон баяр ёһололдо хэды шэнээн мүнгэн хэрэгтэй болодог юм гэхэн асуудалтайгаар хандабабди. Тэрэнэй үгэһэн харюунуудые тобшоор толилнобди.

—Гэрлэлгын ордон гансаһые хотынхидые бэшэ, харин дутын аймагуудта ажаһуутһадай гэр бүлэ болохо тухайнгаа мэдүүлгэ барья наань, тэдэншье баһал хангаһа аргатай байна. Тинхэдэ тэдэнэртэ фото-буулгабары, түрэ хуримай зүйлүүдэй прокат, видео-буулгабары, тусхай ансамбль гэхэ мэтэ дуралдаһана. Эдэ бүгэдэ хэлсэһэнэй үндэһэн дээрэ хэдэдэг юм,—гэжэ Альбина Дабажановна хоорөөгөө эхилнэ.

18 наһа хүрэхэн эрхэтэд туршалгын 1 һарын болзорой удаа мэдүүлгэеэ барижа болохо. Тинхэдэнь тэдэнэртэ гэрлэлгын баяр ёһололой үдэр, сар (ээлжэһэнэй ёһоор) сонсохогдоно. Хуби заяагаа холбожо, дансада орохо үдэртөө сар соогоо тииншэ ошохо ёһотойт. Жэшэһын, хатуу гадартай гэрлэлгын үнэмшэлгэ—19200 түхэригтэ, видео-буулгабары—216000 түхэригтэ, 8 янзын фото-зураг 85000 түхэригтэ гэхэ мэтэшэлэн хангалганууд тус тусгаа өөрын сэнтэй.

К. ХАТЕЕВА.

Ажаглалта: Гэрлэлгын ордондо мэдүүлгэ барихаяа наһаа наа, иимэ үдэриүүдтэ тииншэ хандажа болоно: понеделник, вторник, среда, четверг—10-18 сарта.

ЗУРАГУУД ДЭЭРЭ: залуу бүлэнүүдэй түрүүшын алхамууд.

Д. АЛТАЕВАЙ, Г. САМБЯЛОВАЙ фотонууд.



